

# Umphakathi waseNquthu uthakasile uNgqongqoshe uPillay ewazisa ngohlelo lwentuthuko

SIBONGILE DLANGALALA

**N**goLwesithathu mhla ziye-10 kuNhlaba wezi-2017, uNgqongqoshe Wezokuhlaliswa

Kwabantu kanye Nemisebenzi Yomphakathi, uMnu. Ravigasen Ranganathan Pillay uvakashele umpakathi waseQhuden i endaweni ebuqama ngama-100km ukusuka eNquthu.

Inhloso yokuvakashela le ndawo, bekungukusabela kukaHulumeni kukhwelo lika-Operation Sukuma Sakhe (OSS), oluphinde luyalele ukuthi imiphakathi yaKwaZulu-Natali ibandakanyeke ekubhekaneni nezinsalelo esingabala kuzo ububha kanye nokwentuleka kwemisebenzi.

IHholo lomphakathi laseQhuden i beligcwele lichichima njengalokhu noma ubani wayezibonela nje ukuthi umpakathi wawulinde ngelikhulu isasasa leli, ulangazelele ukuzwa ukuthi uNgqongqoshe Ravi uwuphatheleni.

Okwakuphawuleka ukuthi umpakathi awunalutho olutheni njengalokhu ukude nendawo esedolobheni kodwa uwumphakathi ohleli ethembeni futhi ukwazi ukuzenzela. Omama bayazitshalela futhi bazilusela izinkomo zabo ngenkathi izingane zisesikoleni.

Enkulumweni yokwamukela, inkosi Stefan Sithole ubonge uHulumeni wesifundazwe

ngomsebenzi osuwenzele umpakathi, wabe esethi “izingane zethu azilambi ezikoleni.

Sibonga siyanconcoza ngohlelo lokuphakelwa kwezingane ezikoleni, izingane zethu azisahambi ibanga elinde uma ziya esikoleni, nalapho sibonga izithuthi ezihlizekwa uHulumeni”.

Ibe seyigxeka abantu abaduba imicimbi kaHulumeni futhi ababeka uHulumeni amabala bathi ubathembisa ize leze.

Ibe seyinxusa abantu bayo ukuba bavote okhethweni oluzayo. Ngokwenzenjalo, bazokwazi ukuba nezwi lokuthi ubani okumele abahole futhi kuzobasiza ekutheni indawo yabo ithole ukuthuthukiswa.

Ethula inkulumbo yakhe, uNgqongqoshe Pillay waqinisekisa umpakathi ngezinhlelo zentuthuko ezizolethwa endaweni.

Uye wabika ukuthi kugunyazwe umklamo wezindlu ozodla imali engu-R62 million, kanti esigabeni sokuqala salo mklamo kuzokwakhelwa umpakathi waseQhuden i izindlu ezingama-500”.

Ube esezibophezela ekutheni uzokwakhela indlu uMaswazi Mncube, ugogo omdala ongaboni emehlweni oneminyaka engama-83 futhi ohlala yedwa endlini esidilikile. Ngokusho kukaMnu. Pillay ukwakhiwa kwale ndlu kuzobe sekuphuthuliwe



UNgqongqoshe u-Ravi Pillay kanye nenkosi Stefan Sithole bekanye nabesifazane abangabaholi endaweni.

**Isithombe: LIHLE BHENGU**

ngoNtulikazi wezi-2017.

Uye wawuncoma futhi umpakathi indlela onethemba ngayo ngesimo sokuphila kwawo. Wananela ngokuthi athi “nakanjani ngizomazisa uNdunankulu waKwaZulu-Natal ngengikubone lapha umpakathi waseQhuden i okhuthela, ohlelekile, onogqozi futhi ozimisele ngokuthi uzithuthukise wona nemindeni yawo”.

Umntu ubengalindela ukuthi abantu baseNquthu babe

ngumphakathi ongalawuleki ngenxa yesimo esikhungethe umasipala wale ndawo.

UMasipala waseNquthu wahlakazwa ekuqaleni kwalo nyaka ngenxa yokulokhu wehluleka ukuqoka umkhandlu wawo. Indlela umpakathi waseNquthu ocabanga ngayo nangendlela oziphethe ngayo kuyisibonelo esihle futhi kufaka ugqozi maqondana nendlela abantu abahlala ezindaweni

zasemakhaya abaphila ngayo.

Bakushaya indiva ububha abaphila kubona ngokuba basebenze kanzima bazithuthukise ngalokho abanako.

Abalindeli ukwenzelwa uhulumeni, kunalokho bafuna uhulumeni ubalekelele kumbe ubeseke futhi bazimisele ukuzithuthukisa ngokwabo.